

Prome dia pa firma di sosten a cana poco poco

DESPUES cu diabierna a tuma luga e proceso di entregamento di lista na Consejo Electoral, ayera dialuna 21 di October a inicia e proceso pa partidonan cu a inscribi pa participa den eleccion di dia 6 di December venidero, cu no tin representante den Parlamento, busca un sosten minimo di 586 voto.

E tempo cu e partidonan aki tin pa acumula e total di firma exigí, ta te cu diabierna venidero y tur dia sostenedonan por pasa firma for di 9'or di mainta te cu 8'or di anochi y e ultimo dia pa haci esaki ta diamars venidero 29 di October 2024.

Manera tabata di spera e partido PPA cu ta wordo lidera pa Otmar Oduber, ta e partido cu a inicia masa fuerte riba e prome dia di acumulacion di firma di sosten y pa banda di 12'or di merdia, ya caba e partido Oranje a logra di haya 215 voto mientras cu e anticipacion tabata cu pa 8'or di ayera nochi, PPA lo a acumula suficiente voto pa participa den eleccion di 9 di December.

Pa loke ta partido Futuro di Gerlien Croes, pa 12 di merdia ora cu a duna e prome "standing" di e proceso aki, e partido a logra di acumula 176 voto y a ser anticipa cu e posibilidad lo tabata grandi cu pa ora cu cera e dia aki, e partido lo a acumula e cantidad di voto necesario.

P'e otro seis partidonan e proceso tabata canando poco poco pero RED pa merdia a logra 57 voto di sosten, sigui pa Curpa cu 45, m LPR cu 43 y e trio di HTC cu 9, MIA cu 3 y UPP cu solamente dos voto di sosten.

E cifranan aki a cambia alrededor di 4'or di atardi ya cu esaki tambe ta un tradicion cu hopi sostenedo ta acudi pa brinda nan sosten despues cu nan caba di traha pero e di dos resultado oficial emiti di votonan di sosten ricibi, tabata pa banda di 4'or y aki por a nota cu PPA tabata riba e bon caminda cu 361 voto, pues faltando ainda 225 voto pa "clasifica" su mes.

Futuro ta sigui di cerca cu 343, pues practica-

mente e dos partidonan aki ta canando sam sam cu otro y Gerlien tabata falta 243 voto pa tambe clasifica. Sinembargo den oranan di atardi pa anochi, ta spera cu ambos partido lo logra di cumpli cu e exigencia di 586 voto y asina por sigui concentra riba nan campaña electoral den pueblo.

RED di Ricardo Croes pa ayera tardi a ricibi 94 firma y pa anochi a anticipa cu e lo logra yega na mita di e cantidad di firmanan necesario.

CURPA di Eric Ras y LPR di Rycond do Nascimento, tabata cerca di otro cu 45 y 43 respectivamente pero nan lo rekeri mas dia pa acumula loke nan tin mester mientras cu e otro tres partidonan, cu ta HTC cu 9, MIA cu # y UPP cu 4, lo tin un siman sumamente pisa nan dilanti pa logra alcanza e sosten necesario pa nan por participa na e proceso electoral di dia 9 di December proximo.

Pa 6.30PM Futuro y PPA a logra nan cantidad di votonan necesario pa participa na eleccion.

MADBOR Consultancy

Documento Comercial y Support

- Oferta / Presentacion
- Programa di rekisitonan
- Citacion
- Informacion
- Contrato (*den concepto*)

Operacion

- Analisis di Proceso
- Descripcion di Proceso
- Descripcion di Protocol

Apoyo Empresarial

- Mediacion
- Consulencia/ Consejo
- Comercialisacion

Documentacion oficial (di e empresa):

- Prepara
- Verifica
- Traduccion-4 idioma:
(*Inglés, Hulandes, Spaño, Papiamentu*)

Priva

- Scirbi carta (oficial) - 4 idioma
- Traha Curriculum Vitae
- Carta di solicitud
- Mediacion cerca instancianan - 4 idioma

Ban Papiá
+297-7456724

Turning **Ideas** into Breakthrough **Solutions**